



3452

III.

Mag. J. Dr.

P

kat. komo.

Equis. Jagell.


Philos.

1733 d. 18 Aprilis.

Poznya 29 31.

Gelhorn Andreae Jo. Anademae virtutis  
eruditae denodis VII VV. DD. primae  
laureae Candidatorum pretiorum.







# ANADEMA

Virtutis Eruditæ Clenodijs. *45.*  
VII. V.V.D.D. Primæ Laureæ Candidatorum,

## PRETIOSUM.

*Dum*

In Alma Universitate Cracoviensi

*Ab*

ILLUSTRI CLARISSIMO & ADMODUM  
REVERENDO DOMINO.

D.M. VALENTINO  
WICHROWSKI,

Phiæ: DOCTORE ejusdemq̃ Regio PROFESSO-  
RE, Collega Majore Ecclesiarum, Collegiatae S.  
ANNÆ ARCHIDIACONO Parochi-  
alis Sulicovicensis CVRATO.

In Frequentissima Nobilissimorum Hospitum

C O R O N A.

*Artium & Philosophiæ Baccalaurei ritu Solenni renuntiarentur.*

*Per*

ANDREAM JOSEPHUM GELHORN,  
Ejusdem Laureæ Candidatum

*In vim Fraternali affectus & gratulatorij applausus*

PRÆSENTATUM.

*Annò Domini 1733. Die verò 18. Mensis Aprilis.*

CRACOVIAE TYPIS UNIVERSITATIS.





B. IOANNES CANTIUS Polonus, SS<sup>Th</sup>ie in Vni-  
 versitate Cracoviensi Doctor, et Professor, Presbyter  
 Secularis, Miraculis Clarus. A. Freinds sculp: Ole

Si quis perfectæ virtutis schemma videre,  
 Et concentratæ vult probitatis opus,  
 Virtutis collecta Sacræ compendia, clarè  
 Schemmate demonstrat CANTIUS ipse suo.



CLENODIO<sup>47.</sup>  
Virtutum  
INÆSTIMABILI  
D. JOANNI  
CANTIO,

Almæ Universitatis Cracoviensis  
PATRIARCHÆ,  
Regni Poloniarum Singularissimo  
PATRONO.

Totum Anadema.

*In perenne venerationis Anathema appenditur cum epigraphæ*

Nil sine Te pretiosus honor.

O Pater Sacro residens Olympo,  
Qui datus Regno Lechiæ PATRONVS,  
Qui Jagellonis moderaris Aulam.

Inclyte CANTI,  
Cordium verbis querulamur, audi,  
Ad preces adsis PATRIARCHA nostras,  
Dum damus voto Tibi pro perenni

Hoc anadema.



Gratiæ nomen retines & impleſ,  
48 Es petitorum dator & favorum,  
Gratijs promptè repetita ruruſum,  
Vota coronas.

Sint Tui Sacri cineres, in Almo.  
Gratiæ Templo poſiſti, pro teſte,  
Sit Tibi teſtis populus, ſit omnis  
Turba Clientum.

Quæ recens, à Te benefacta, ſpargit  
Fama, longævis memoranda ſæclis  
Illa ſpem noſtris (Pater o ſtupende)  
Ausibus addit.

Ergo devotis Anadema votis  
Jungimus noſtris animis repoſtûm,  
Abſq; Te nobis decus omne, nullum,  
Magne Patrone.

Hæ Tuo Laurus vireant favore  
Ex Tuo, noſtri lapides, nitore  
Luceant, nobis ſatis in decore  
CANTIUS adſit.

Fama cum plaufu Tibi cedat omnis,  
Hoc modo nobis tribuas benignus,  
Primus ut noſter benedictus à Te  
Sit gradus iſte.

Sit coronatæ novus iſte frontis  
Flos, Tuis ſacris pedibus corona,  
Nexus hic noſtri meliora cordis  
Munera ſpondet.

lam



Jam Poli Sacra Pater aureolâ  
Es decoratus, tamen hoc precamur,  
Ut Tibi splendens Anadema nostrum  
Victima fiat.

49.

*Illustribus Clarissimis & Admodum Reverendis Dominis*  
**D. EXAMINATORIBUS,**

*Illustri Clarissimo & Admodum Reverendo Domino*  
**D. M. A D A L B E R T O**  
**G O S Z K O W S K I,**  
Philosophiæ DOCTORI & PROFESSORI Collegæ Majori Ec-  
clesiæ Collegiatae Sanctæ ANNÆ CANONICO ac  
interea Philosophicæ facultatis DECANO.

*Illustri Clarissimo & Admodum Reverendo Domino*  
**D. M. V A L E N T I N O**  
**W I C H R O W S K I,**  
Philosophiæ Doctore & Professore, Collegæ Majori, Ecclesiarum &  
Collegiatae Sanctæ ANNÆ ARCHIDIACONO  
Parochialis Sulicovicensis CVRATO.

*Illustri Clarissimo & Admodum Reverendo Domino*  
**D. M. F L O R I A N O**  
**L A C H O W I C Z,**  
Philosophiæ Doctore & Professore Collegæ Majori Vocato Eccle-  
siæ Collegiatae Sanctæ ANNÆ Canonico Contubernij  
Regio Jagelloniani SENIORI.

*Certaminis eruditi Doctissimis Præsidibus in vim debitæ*

**Venerationis & gratitudinis**

Pretium Anadematis dedicatur,

Cum Lemmate.

Vestrûm sit quodecunq; dedistis.

B

Amnes



**A**Mnes ut omnes ad mare confluunt,  
 Sicut refertur flammigerum jubar  
 Ad hunc, à quo refulsit, Solem,  
 Utq; suum petit unda fontem;  
 Sic nostra Vobis munera reddimus,  
 Redundat in vos integra gloria;  
 Valor, quem virtuti dedistis,  
 Sponte sua petit esse vester.  
 Vos mente docta Phæbea lumina,  
 Fecistis, ut sit splendidior dies  
 Honoris nostri, tum coronæ,  
 Sit pretium, redit illud ad vos.  
 Primus colendus Goszkowius venit,  
 Re, tum venusto nomine floridus  
 Quem docta mens beat, quem virtus  
 Condecorat veneranda cunctis.  
 Hic mentium lux, Hic Sapientiæ  
 Compendiatîs pulchra decoribûs,  
 Est norma viva nominandus,  
 Hic meritîs pretiosus amplîs.  
 Tot oris Ejus lilia candida,  
 Quot verba, vel quot sensibus inclytis  
 Sunt rostra publica exornata  
 Publica tot documenta laudis.  
 Infractus Atlas pondera grandia  
 Suffert laborum, svaviter omnia  
 Disponit, ut sudoris guttæ,  
 In nitidas adolescant gemmas.  
 Decanalis hunc purpura Principem  
 Ornans, ab illo splendidior manet,  
 Quam gessit, ut Sophorum Princeps  
 Arte novus coleretur esse.

De



De Te VALENTI quid loqvar Inclyte?  
Qui laudis omnes vincis adoreas, 51

Encomium quodvis excedens,  
Et superas meritis Honores.

Tu dote felix ingenij Tui

Causas stuporem Te venerantibus,

Patrum Tu corda, Tu Magnatum

Vnus habes recreas trahisq;

Lingvâ potens es, quæq; negotia

Solerte cura perficis optimè

Per hoc videris ac es certè

Delicium populi Togati.

Tu verba fundis mista favoribus,

Tu corda factis ac animos rapis,

Virum facis Te laude dignum,

Vivis, honor tibi vivus ipse.

Quid mente condas, hoc vides & stupet,

Hoc narrat, effert publica gloria,

Dum conspicit coronantem nos

Sicq; suum notat umbra Solem.

His FLORIANVS se sociat viris,

Et Ille Magnus Tullius & Sophus,

Gravis, dexter, prudens, acutus

Eloquio meliore clarus.

Ex ore docto purpureas rosas

Diffundit, omnes mentis acinace

Nodos resolvit, in Lycæis

Hic Macedo generosus, doctis

Quod Principum sit delicium, satis

Clarum sit, AGNO teste IVNOSSIO

Quod affectus Patrum triumphet

Hoc meruit probitas probata,

Tantos, Clientes, Vos colimus viros,

Quantos coli vult mens Academica,



Vestrosq; pensando labores,  
 Vota damus referendo grates.  
 Vos sospites diu vivite, vivite,  
 Faustisq; sæclis Nestora vincite,  
 Sitis pleni favore Cæli,  
 Et sit Honor decus omne Vobis,

# ANADEMA

VII. VV. Primæ Laureæ Candidatorum

## PRETIOSUM

II. V. D. FRANCISCO ZAWADZKI,  
 Achates Indicus, qui in igne positus odorem emittit;  
 Cum Lemmate.

Dum flagrat fragrat.

**N**on paradoxa loquor mundo factura stuporem,  
 Non refero dubios quos dant oracula sensus,  
 Certius hoc Tripodis dicto jam dogma tenendum,  
 Cujus plana fides ac experientia teltis,  
 Virtutem quamvis semper crevisse labore  
 Cui sociata suæ famæ suavem dat odorem,  
 Ceu ignis labor est, virtus pretiosus Achates,  
 Suavius ut fragret sit flagrans igne laboris.  
 Hac methodo pretium propriæ monstras probitatis,  
 Huic igni socians magnæ virtutis Achatem.  
 Quid mirum quod tanta tuæ fragrantia famæ,  
 Spargitur, & cunctos suavi delectat odore,  
 Innatus Tibi crede labor virtusq; probata  
 Augmentum meriti fecit, facietq; decorem  
 Vere novo Tibi fert Academicus laureaserta,  
 Æstu namq; Tui citò maturata laboris,



Venit & in prima renitescit fronte coronæ.  
Accedas pretium pretio, studiumq; labori, 53  
Et spargas gratum proprie probitatis odorem,  
Spondeo majori fies decorandus Honore.

III. V. D. D A N J E L I  
P U C H A L S K I.

Jaspis mira colorum varietate refulgens

Cum Lemmate.

*Unus multicolor.*

**H**æc dos virtutis nullò delebilis ævō,  
Quod virtus nunquam sola manere potest  
Iungitur hæc alijs, aliæ sociantur eidem,  
Si non est alijs consociata, perit.  
Vt fiat torques non unus circulus adfit,  
Et debet radios Phæbus habere suos.  
Constituunt Cytharam plures non unica chorda.  
Sic quod si virtus unica, nulla manet.  
Sic fecit virtus quæ te pro sede poposcit,  
Quam monstras plures associasse sibi.  
Vt vario Iaspis vult resplendere colore  
Te virtus etiam sic variata decet.  
Hinc pingit roseū Tibi pulchra modestia vultū  
Quæ miro morum septa colore nitet.  
Hanc animi decus, ecce Tui comitatur amænū,  
Quod pulchro dono Pallas amica dedit.  
Doctrinam solidam generosa mente recondis,  
Quam pietate, sagax, appetiariæ soles.  
Te cunctis humilis submissio præbet amandum  
Dignum laude virum lingua diserta probat.

C

Istas



Istas virtutes dum primo munere donat.  
Postea plura Tibi Pallas amica dabit.

IV. V. D. J O A N N I  
I Z I C K I,

Saphirus cor confortans & recreans

Cum Lemmate

*Fert gaudia colori.*

**N**On sic astra suum condecorant Polum  
Et Phæbum radij non ita splendide  
Illustrant, & humum non ita flosculi  
Hortorum, irridi germine vestiunt  
Gemmis non ita sit Dives Erythreum,  
Et Pomona suis non ita fructibus  
Felix ut probitas splendet honoribus.  
Ut virtute nihil crede decentius,  
Sic virtutis honor nil sibi par habet.  
Sic cuncto pretio gloria clarior  
Hæc fortuna Tibi contigit optima  
Quod virtute capis laurigerum decus  
Quod sculptum nitidus Saphirus exhibet  
Splendescens lapis hic correcreat tuum  
Virtuti merita præmia conferens  
Doctis est tua mens apta laboribus,  
Ornatum studiis ingenium bonis  
Clarescens probitas moribus inclytis,  
His, quæ conspicuum facta decent virum  
Exornata patet, præmia fert nova.  
Quam dum Palladij, laurea contegit  
Post, magnis precor ut penset honoribus.

V. V. D.



V. V. D M A R T I N O 55  
M I C H O N S K I,

Corallium extra aquas evulsum pulchritudinem  
& fortitudinem acquires

Cum Lemmate.

*Pulchrius & fortius extra.*

**Q**uid proſit magnæ virtuti publica fama  
Ingenijsq; bonis,

Quid cauſare poteſt generoſis cordibus, & quid  
Mentibus ingenuis,

Sæcula monſtrarunt, & noſtri temporis ævum

Dat documenta nova,

Nitimur huc omnes cernat nos publicus ut Sol

Et probitate magis.

Nitimur, & verè ſic publica gloria noſtræ

Cos probitatis adeſt.

Dotib9 ex magnis quas Tu MARTINE remõſtras

Hoc pretium retines.

Quod quamvis lateas animi ſub nube modeſti,

Splendidiùs renites.

Exit in apricum quodcunq; reconditur in Te

Vt magis eniteat.

Nil vitioſum in Te; mundi famæq; pupillâ

Quod videatur habes.

Sic ſpectata magis creſcant benefacta, Togato

Orbe colenda precor.



56 VI. V. D. L A U R E N T I O  
B A R T O S Z O W S K I.

Topazius Clarissimos radios in omnem  
partem diffundens

Cum Lemmate.  
*Jubar undiq; spargit.*

**N**on est ille locus quem sapientia;  
Non illustret, ab hac splēdidius jubar  
In totum cadit Orbem,  
Noctes umbriferas fugans.

Vt sol illa Poli fulget, & in dies.  
Transformat tenebras, dūm geniū facit  
Docta luce nitere,  
Dando lumen amēnius.

Hac LAVRENTIVS es forte beator,  
Quòd pulchrè renites luce scientiæ,  
Quām fax mentis honestæ  
Auget publica gloria.

Hinc quocunq; Tuo progredieris gradu,  
Tecum semper adest ingenij nitor  
Accendendo serenum  
Pulchra laude meridiem.

Ortus crede novus, quò radiat Tuus  
Doctus Palladia fronde virens honor  
Es prænuntius alti  
Ascensus tibi quem precor.


VI. V. D. C H R I S T O P H O R O  
R E C Z Y N S K I,

Hyacinthus Cælo per suum colorem consimilis  
Cum



*Fulget Imagine Cæli.**Huic fortuna faventior.*

**Q**uæ vincens alios pæana concinit,  
 Victas victa dabit manus;  
 In cuius pietas pectore confidet.  
 Hic Cælo similis manet,  
 Quod non Marte ruit, fulmina non timet  
 Nec ad fulgura palpitat.  
 CHRISTOPHORE per hoc est animus tuus  
 Verè consimilis Polo.  
 Quæso commemores, quandò serenius  
 Læto pectore gestias;  
 Quàm dum consonus es complacito DEI,  
 Mundo namq; fidem negas.  
 Se fortuna Tibi jungit & aspera  
 Quævis mente tua fugat.  
 Hinc in Te probitas firmior exitit  
 Hac dum nititur in basi.  
 Hinc prudentia te cum sapientia  
 Ambit, monstrat & omnibus  
 Quis sis, laurea dum te redimit nova  
 Dicens: vivat honoribus.



IV.D. ANDREÆ JOSEPHO  
 G E L H O R N,  
 PRIMÆ LAURÆ CANDIDATO  
 AUTHORI OPERIS.

D V.



58 V. LAURENTIUS  
BARTOSZOWSKI,  
Ejusdem Laureæ Candidatus.

*In vim mutui affectus & gratulatorij applausus.*

Adamantem auro insertum offert.

Cum Lemmate.

*In auro nitidior.*

**E**Rgo sint ducibus munera cæteris  
In magno pretio quæ Geticus dedit  
Mars, torvam galeam tum gladium ferens  
Quem pingit cruor hostium.

Noster Dux! Tibi sit gloria maxima  
Ex hoc laurigero munere, quod tenes  
Et quod fronte Tua promerita geris  
Primus victor in ordine.

Examem rigidum primus ad ardua  
Promptus suscipiens, ingeniô potens  
Dignus laude sua ferta laboribûs  
Fecisti tibi debita

Corpus mente, sagax, exsuperas Tuum  
Maturoq; valens elovqiô, potes  
Dici non tumido nomine Tullius  
Ac in Peripato Sophus.

Hinc



Hinc dum laurigero nos Anademate  
Ornas, quod nitidus condecorat lapis,  
Splendens ergo tuis dotibus optimis  
A nobis adamas datur.

59

Est virtus adamas, sed sapientia  
Aurum, tu socians faustus utrumlibet  
Docta laurigeræ Palladis in Domo  
Opto splendidus emica.



Permissu Magnifici Domini

RECTORIS.





Hinc dum laurigero nos Anademate  
Ornat, quod nictus condecorat lapis  
splendens ergo tunc doctus optinis  
A nobis adamas datur.

Est virtus adamas, sed sapientia  
Aurum, in sociis laetus utrumlibet  
Doctus laurigerus Palladis in Domino  
Opto splendidus emica.

Pernissu Magnifici Domini  
RECTORIS



Biblioteka Jagiellońska



str0023568



